

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA 3
DE SETEMBRO DE 2015.**

ÍNDICE DE PUNTOS

Punto Primeiro.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.....	3
Punto Segundo.- Aprobación, se procede, de actas anteriores.....	4
Punto Terceiro.- Fixación de Festivos Locais para o ano 2016.....	4
Punto Cuarto.- Solicitud a Augas de Galicia para a redistribución de anualidades para o financiamento da obra "Abastecemento Ames e Brión" (OH 215.799).....	4
Punto Quinto.- Moción presentada polo grupo municipal Ciudadanos Partido da Cidadanía, (Rexistro de entrada 8732) relativa á elaboración de xornadas de traballos e axendas para o alcalde e concelleiros con algún tipo de dedicación.....	4
Punto Sexto.- Moción presentada polo grupo municipal Ames Novo (número rexistro de entrada 9132) para declarar Ames municipio libre de circos con animais.....	5
Punto Sétimo.- Moción presentada polo grupo municipal Ames Novo (rexistro de entrada 9156) para declarar Ames concello oposto o Tratado Transatlántico de Comercio e inversión (TTIP)..	6
Punto Oitavo.- Moción presentada polo grupo municipal Pacto por Ames (rexistro de entrada 9571) relativa á implantación de Espazos Cardio Protexidos.....	8
Moción de urxencia para que o Concello de Ames se sume os municipios que acollen refuxiados sirios.	9
Punto Noveno .- Rogos e Preguntas.....	10
Preguntas.-.....	15

C.I.F.: P - 1500200 - I

ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA

CERTIFICO: QUE O PLENO DESTE CONCELLO LEVOU A CABO SESIÓN ORDINARIA O 3 DE SETEMBRO DE 2015, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

ACTA DA SESIÓN ORDINARIA LEVADA A CABO POLO PLENO DO CONCELLO O DÍA 3 DE SETEMBRO DE 2015.

No Salón de Sesións da Casa do Concello de Ames, ás vinte horas e trinta minutos (20:30) do día 3 de setembro de 2015, reúnese o Pleno do Concello en sesión ordinaria de primeira convocatoria, baixo a presidencia do señor alcalde, **José M. Miñones Conde**, e coa asistencia das/os señoras/os concelleiras/os seguintes:

Grupo municipal Popular	Santiago V. Amor Barreiro
	Alberto Piñeiro Rodríguez
	Mª Oliva Agra Costoya
	Ana Ruso Valiña
Grupo municipal Socialista	José M. Miñones Conde
	Luisa Feijoo Montero
	José Blas García Piñeiro
	Mª Isabel González Cancela
Grupo municipal IC- Ames Novo	Mª Pilar Candocia Pita
	Mª Jesús Bóo Feijóo
	Xaime Subiela Pérez
	Roberto Amarelle Garabán
Grupo municipal Contigo Pódese	Genma Otero Uhía
	Catuxa García Mallo
	Silvia Dapena Liñares
Grupo municipal Pacto X Ames	Ramón García Argibay
	María González Gómez
Grupo municipal BNG-Asembleas Abertas	David Santomil Mosquera
	Mª Isabel Vaquero Quintela
Grupo municipal Ciudadanos - Partido da Cidadanía	Francisco J. López Suárez

Non asiste, pero xustifica a súa ausencia, a concelleira do grupo municipal Pacto X Ames, Mª Dolores Fernández Álvarez.

Asiste o **interventor**, José Antonio Rueda de Valenzuela.

Actúa como **secretaria** a titular da Corporación, Rosa Ana Prada Queipo.

ORDE DO DÍA:**A) PARA DAR CONTA**

Punto Primeiro.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.

O señor alcalde, **José M. Miñones Conde**, informa á Corporación que os decretos ditados pola Alcaldía dende a última sesión plenaria ordinaria, estiveron á disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os en calquera momento na Secretaría Xeral do Concello, así

como nos distintos departamentos nos que foron elaborados e que ditos decretos foron remitidos por vía telemática aos señores/as concelleiros/as.

B) PARA DELIBERACIÓN E ACORDO

Punto Segundo.- Aprobación, se procede, de actas anteriores.

Sometida a votación a acta da sesión do Pleno de 30 de xullo de 2015, resulta aprobada por maioría absoluta dos membros presentes, coa abstención da concelleira María González Gómez, por non ter estado presente nesa sesión, e o voto favorable do resto dos/as concelleiros/as presentes.

Punto Terceiro.- Fixación de Festivos Locais para o ano 2016.

(.....)

Rematadas as intervencións, o Pleno da Corporación, por unanimidade dos seus membros presentes adopta os seguintes acordos:

Primeiro.- Fixar como festivos locais no Concello de Ames para o ano 2016, o Martes de Carnaval (9 de febreiro) e o día da Ascensión (5 de maio), garantindo que o 9 de febreiro, Martes de Carnaval, se preste o servizo dos lúdicos do Concello de Ames.

Segundo.- Dar traslado á Xefatura Territorial de Traballo e Benestar da Xunta de Galicia para a confección do calendario laboral do ano 2016.

Punto Cuarto.- Solicitud a Augas de Galicia para a redistribución de anualidades para o financiamento da obra "Abastecemento Ames e Brión" (OH 215.799).

(.....)

Rematadas as intervencións, o pleno da Corporación por maioría absoluta do número legal de membros, coa abstención do concelleiro do grupo municipal Ciudadanos Francisco Javier López Suárez e o voto favorable do resto dos/as concelleiros/as presentes, adopta os seguintes acordos:

Primeiro.- Solicitar da Dirección de Augas de Galicia a modificación da distribución das anualidade a aboar polo Concello no proxecto "Abastecemento Ames e Brión (1ª fase)", de xeito que esta pasase a ser a seguinte:

- Ano 2015: 400.000 euros.

Segundo.- Facultar ó alcalde do Concello de Ames para cantas actuacións de tramite sexan precisas para á mellor execución do acordado.

C) PARA CONTROL DO GOBERNO:

Neste punto da orde do día o alcalde anuncia unha moción de urxencia presentada por parte do grupo municipal Ames Novo sobre os refuxiados sirios.

Punto Quinto.- Moción presentada polo grupo municipal Ciudadanos Partido da Cidadanía, (Rexistro de entrada 8732) relativa á elaboración de xornadas de traballos e axendas para o alcalde e concelleiros con algún tipo de dedicación.

(.....)

En relación a esta moción incluída na orde do día, o grupo municipal Ciudadanos presenta unha emenda in voce para suprimir o punto terceiro da moción, incluído durante o transcurso da Comisión Informativa, á proposta do grupo municipal Popular.

(.....)

Rematadas as intervencións, o Pleno da Corporación somete a votación a emenda in voce do concelleiro do grupo municipal Ciudadanos, a cal resulta aprobada co voto en contra dos 4 representantes do grupo municipal Popular e o voto a favor dos restantes membros presentes da Corporación Municipal.

A moción emendada, resulta aprobada por unanimidade dos membros presentes da Corporación municipal, sendo o texto da moción aprobada do teor literal seguinte:

Moción para a elaboración de xornadas de traballos e axendas para o alcalde e concelleiros con algún tipo de dedicación.

Exposición de motivos.

Considerando que no Pleno de organización de data 10 de xullo de 2015, aprobáronse 4

dedicacións exclusivas e 3 parciais; este organigrama supón un incremento importante do gasto político para as arcas municipais.

Consecuentemente este Goberno debe ser exquisito á hora de cumprir coas súas obrigas de facilitar información, de transparencia, e responsabilidade para cos seus administrados en todo o referente ao cumprimento da súa xornada laboral e actividades a desenrolar.

Por elo, este concelleiro que subscribe presenta ao Pleno para o seu debate e aprobación as seguintes Propostas de Acordos:

Primeiro.- Que se establezan e publiquen os días da semana e horarios que tanto o Alcalde, Tenentes de Alcalde e Concelleiros estarán despachando no Concello cumprindo coas súas xornadas de servidores públicos.

Segundo.- Que se confeccione e se publique unha Axenda de actividades dos Cargos da Corporación ao obxecto de saber onde, e qué actividades están desempeñando durante as súas xornadas municipais cando non se atopan na Casa Consistorial.

Punto Sexto.- Moción presentada polo grupo municipal Ames Novo (número rexistro de entrada 9132) para declarar Ames municipio libre de circos con animais.

En relación a esta moción incluída na orde do día o grupo municipal Ames Novo presenta unha emenda in voce que consistiría en facer unha nova proposta de acordo cos seguintes puntos que son do teor literal seguinte:

1. Declarar Ames municipio libre de circos con animais.
 2. Que o Concello de Ames non autorice nin promova ou ampare a instalación de circos con animais no termo municipal. Atendendo ao estrito cumprimento do art.5.1 (regulador de espectáculos con animais), da Lei 1/1993, de 13 de abril, actualizada pola Lei 8/2014, de 26 de setembro.
 3. Que o Concello de Ames non permita a instalación de publicidade de espectáculos circenses con animais no termo municipal, en concordancia co punto anterior.
 4. Proceder a adaptación da normativa municipal (PXOM) e regulación específica por parte do Concello de Ames (ORDENANZA).
 5. En tanto non se poida materializar esta modificación da normativa municipal, o Concello continuará realizando unha comprobación exhaustiva do cumprimento de todos os requisitos precisos para o exercicio deste tipo de actividades.
 6. Poñer en marcha unha campaña de sensibilización, dirixida a propietarios e cidadáns para que se sumen á proposta, nomeadamente ás asociacións veciñais ou propietarias de espazos públicos non municipais.
 7. Instar á Xunta de Galicia a modificar a normativa aplicable, de forma máis específica, para a utilización de animais en espectáculos públicos, coa fin de garantir a maior protección destes.
 8. Notificar este acordo á Xunta de Galicia, aos grupos do Parlamento de Galicia e a Asociación Animalista Libera, así como a todas as asociacións animalistas que actúan no ámbito municipal.
 9. Facultar á concelleira de Medio Ambiente, Catuxa García Mallo, para realizar as labores de tramitación e notificación coa Xunta de Galicia que sexan precisas.
- (.....)

Rematadas as intervencións o pleno da corporación somete a votación a emenda in voce presentada polo grupo municipal Ames Novo, a cal resulta aprobada coa abstención dos 4 representantes do grupo municipal Popular e o voto a favor dos restantes membros presentes da Corporación Municipal.

A moción emendada, resulta aprobada por maioría absoluta coa abstención dos 4 representantes do grupo municipal Popular e o voto a favor dos restantes membros presentes da Corporación Municipal, sendo o texto da moción aprobada do teor literal seguinte:

Moción para declarar Ames municipio libre de circos con animais

Exposición de motivos

A cuestión do respecto cara os animais levou a cidadanía a demandar novas accións en diferentes eidos normativos. O uso de animais en espectáculos é, quizais, un dos aspectos máis surrealistas que teñen lugar no noso país, nomeadamente os circos, que ofrecen unha imaxe radicalmente distorsionada do que supón a fauna silvestre.

A vida destes animais nos circos caracterízase polo illamento, o castigo, o medo e o cativerio. As exhibicións de animais nos circos ofrecen tamén unha mensaxe educativa negativa. Aínda que os espectáculos circenses non amosen condutas de violencia explícita á vista dos espectadores, os actos que os animais teñen que realizar durante toda a súa vida son antinaturais e para obrigarlles a comportarse deste xeito contrario á súa natureza sométense a violentos métodos de adestramento baseados no castigo físico, a privación de alimento e ao illamento do resto dos seus conxéneres.

Os animais que viven nos circos están obrigados a permanecer o resto da súa vida privados de liberdade, atados, engaiolados ou encadeados en camións de traslado, negando calquera posibilidade de satisfacción das súas necesidades naturais e de benestar básico. A natureza transitoria dos circos e a vida constante de confinamento, privación de estimulación e frustración da fauna, conduce aos animais a estados neuróticos e comportamentos repetitivos "estereotipados", como balancear a cabeza ou corpo, movementos circulares dentro das gaiolas e ata automutilacións.

Estes trastornos psicolóxicos chegan a provocar reaccións violentas que poden causar graves riscos para as persoas en caso de accidente, extremo que sucedeu en numerosas ocasións ao longo dos últimos anos.

Un importante número de países e municipios de todo o mundo xa vetaron o uso de animais nos circos en base á súa protección e benestar, ao considerar que a súa exhibición e as condicións de vida supoñen unha crueldade, ao mesmo tempo que incrementan o tráfico ilegal de animais e a caza furtiva de especies protexidas.

Os circos usan aos animais como reclamo do público infantil. Creemos que os pequenos e pequenas deste país, a sociedade do futuro, merecen unha educación baseada en valores que inclúan o respecto cara os seres vivos e o entorno.

Que as propostas para ACORDO do Pleno sexan:

- 1.- Declarar Ames municipio libre de circos con animais.
- 2.- Que o Concello de Ames non autorice nin promova ou ampare a instalación de circos con animais no termo municipal. Atendendo ao estrito cumprimento do art.5.1 (regulador de espectáculos con animais) da Lei 1/1993, de 13 de abril, actualizada por Lei 8/2014, de 26 de setembro.
- 3.- Que o Concello de Ames non permita a instalación de publicidade de espectáculos circenses con animais no termo municipal, en concordancia co punto anterior.
- 4.- Proceder a adaptación da normativa municipal (PXOM) e regulación específica por parte do Concello de Ames (ORDENANZA).
- 5.- En tanto non se poida materializar esta modificación da normativa municipal, o Concello continuará realizando unha comprobación exhaustiva do cumprimento de todos os requisitos precisos para o exercicio deste tipo de actividades.
- 6.- Poñer en marcha unha campaña de sensibilización, dirixida a propietarios e cidadáns para que se sumen á proposta, nomeadamente ás asociacións veciñais ou propietarias de espazos públicos non municipais.
- 7.- Instar á Xunta de Galicia a modificar a normativa aplicable, de forma máis específica, para a utilización de animais en espectáculos públicos, coa fin de garantir a maior protección destes.
- 8.- Notificar este acordo á Xunta de Galicia, aos grupos do Parlamento de Galicia e a Asociación Animalista Libera, así como a todas as asociacións animalistas que actúan no ámbito municipal.
- 9.- Facultar á Concelleira de Medio Ambiente, Catuxa García Mallo, para realizar as labores de tramitación e notificación coa Xunta de Galicia que sexan precisas.

Punto Sétimo.- Moción presentada polo grupo municipal Ames Novo (registro de entrada 9156) para declarar Ames concello oposto o Tratado Transatlántico de Comercio e inversión (TTIP).

(.....)

Rematadas as intervencións, o pleno da corporación por maioría absoluta do número legal de membros, co voto en contra dos/as 2 concelleiros/as presentes do grupo municipal Pacto x Ames, a abstención dos/as 4 concelleiros/as do grupo municipal Popular e do concelleiro do grupo municipal Ciudadanos Francisco Javier López Suárez e o voto favorable do resto dos/as concelleiros/as presentes da Corporación Municipal, presta aprobación á moción presentada polo grupo municipal Ames Novo, con número de rexistro de entrada 9156.

A moción aprobada é do teor literal seguinte:

Moción para declarar Ames concello oposto o Tratado Trasatlántico de Comercio e Inversión(TTIP).

Exposición de Motivos

A UE e os EEUU negocian dende xuño do 2013 un tratado de libre comercio e inversións, o TTIP. Anteriormente a UE finalizou as negociacións do outro tratado, o CETA, con Canadá que está a espera da súa ratificación por parte do Parlamento Europeo. As negociacións actuais do TTIP caracterízanse pola súa absoluta falla de transparencia, que reflexanse na súa nula presenza como noticia nos grandes medios de comunicación.

O obxectivo de estes tratados é establecer un grande mercado transatlántico de máis de 800 millóns de persoas que consagrará o dominio das grandes corporacións transnacionais europeas e norteamericanas no detrimento dos cidadáns de ambas-las partes do océano. Se ben os seus defensores argumentan que son positivos para reactiva-la economía a realidade e que estes tratados pretenden conseguir maior combatividade exterior a costa de rebaixar ou elimina-las regulacións laborais, sociais, económicas, sanitarias, educativas, culturais e ambientais, xa duramente atacadas polas sucesivas reformas habidas no noso Estado.

Non en van, foron as multinacionais- Industria automobilista, químicas, farmacéuticas e agroalimentarias, enerxéticas, bancos, fondos de inversións, etc.,- a ambos lados do Atlántico as que máis presionaron para impulsar estas negociacións. (O 90% das negociacións déronse con lobbies de estas).

Dado que os aranceis entre a UE e EEUU son xa moi baixos o tratado centrarase na eliminación de leis co fin de reducir custos para as multinacionais, as chamadas barreiras non convencionais. Así este tratado pódese desembocar na supresión de regulacións sociais, laborais, ambientais ou de seguridade alimentaria e sanitaria, supondo tamén unha mingua nas liberdades dixitais. Para elo xerárase o “consello de cooperación reguladora” onde sentaranse profesionais designados polas multinacionais e que marcarán as futuras normativas a crear polos estados.

Un dos capítulos máis polémicos, é a de la protección das inversións, pola cal calquera inversor privado Internacional pode desafiar, ante tribunais comerciais (pouco transparentes e pouco democráticos) calquera lexislación (ambiental, laboral ou social) que interfira os seus beneficios. Por exemplo unha regulación sanitaria para prohibir-lo uso de sustancias tóxicas pode ser obxecto de demanda.

Queremos denunciar, a súa vez das posibles consecuencias que máis abaixo enuméranse, a opacidade e o nulo debate con que estanse levando estas negociacións. Non hai debate porque este tratado estase a negociar na sombra, sin ter en conta os gobernos estatais nin a cidadanía.

Tras varias rondas de negociacións a transparencia e a comunicación con a sociedade civil foron nulas. Os propios Eurodiputados viron limitado o seu acceso os documentos derivados das negociacións, feito o cal contou con a denuncia da propia defensora do pobo europea. En setembro do 2014, a Comisión Europea prohibiu unha Iniciativa Lexislativa Popular que invitaba a rexeitar as negociacións.

Fronte a comunicación fluída e constante con as grandes multinacionais, toda comunicación con a sociedade civil por parte da Comisión Europea limitouse a obvia-las críticas e repetir, sen diálogo algún, as supostas bondades do TTIP.

As consecuencias das posibles ratificacións de estes dous tratados –e o de TISA, acordo

sobre servizos en fase de negociacións entre algúns países da OCDE afectarían a amplos sectores da poboación a ambos lados do Atlántico, posibilitando políticas que ameazarían:

- os dereitos laborais como a liberdade sindical ou a negociación colectiva
- a supervivencia de servizos públicos como a sanidade, a educación ou pensións
- a xestión dos residuos, transporte o saneamento e distribución de augas que serían privatizados
- a seguridade alimentaria o permitir-los transxénicos na agricultura, o gando vacún hormonado, o porcino e o aviar clorados,
- os recursos naturais, potenciando o fracking e importando produtos altamente contaminantes como as arenas bituminosas.
- a biodiversidade o apostar pola agroindustria que implica perdas de variedades locais e razas autóctonas e a paulatina desaparición das paisaxes rurais.
- o principio de precaución sobre o uso de sustancias químicas o deixar de controlala sua seguridade antes da obtención do permiso comercial
- a privacidade persoal o permitir un maior acceso e control sobre datos privados por parte de empresas proveedoras de internet e outras grandes corporacións sectoriais
- o acceso os produtos farmacéuticos o reforzar-las patentes fronte os xenéricos
- a posibilidade de mecanismos de control bancario que eviten novas crises especulativas.

Para conseguilo, estes tratados contemplan a implantación de dous mecanismos antidemocráticos que aseguren o que os negociadores chaman a “harmonización normativa” que non é máis que unha regulación a baixa da lexislación vixente.

Por un lado, o Consello de Cooperación Reguladora, unha especie de goberno das transaccionais que ditaminará o que se pode ou non se pode legislar en asuntos que afecten os sus intereses e, por outro, o mecanismo ISDS de resolución de conflitos entre empresas e estados, que garanta as inversións —e as súas previsións futuras de beneficios- de calquera empresa ante potenciais políticas proteccionistas ou de control lexislativo, conflitos que haberían de resolvelos tribunais privados de arbitraje fora de todo control democrático. En definitiva estes tratados, baixo o disfraze da mellora da economía e o emprego, ademais de apuntar a mellora da conta de resultados das grandes empresas, permitirán a paulatina e perversa apropiación do poder político e xudicial por parte do poder económico das grandes corporacións transaccionais.

Así, en virtude do anteriormente exposto, propónse ao Pleno da Corporación a adopción dos seguintes **ACORDOS**

1. Declarar Ames como municipio oposto o TTIP, defendendo os servizos públicos básicos para a solidariedade e redistribución social, o medioambiente e a saúde.
2. Solicitar o parlamento Español e a os Eurodiputados electos o su rechazo a aprobación do TTIP.
3. Solicitar do Ministerio de Economía a suspensión das negociacións do TTIP.

Punto Oitavo.- Moción presentada polo grupo municipal Pacto por Ames (registro de entrada 9571) relativa á implantación de Espazos Cardio Protexidos.

(.....)

Rematadas as intervencións o pleno da corporación por unanimidade dos seus membros presentes presta aprobación á moción presentada polo grupo municipal Pacto X Ames, registro de entrada 9571. A moción aprobada é do teor literal seguinte:

Moción relativa a implantación de espazos cardio protexidos.

Exposición de motivos

Segundo o informe elaborado pola Dirección General de la Agencia de Calidad del SNS e Oficina de Planificación Sanitaria y Calidad do Ministerio de Sanidad, en España cada ano 68.500 pacientes sofren un Infarto Agudo de Miocardio (AIM) dos que aproximadamente o 30% falecen antes de poder ser atendidos nun hospital.

De igual xeito sinala que as Paradas Cardíacas (PC) extrahospitalarias son un problema de primeira magnitude para a saúde pública. Nas súas estimacións establecen que cada ano prodúcese en España máis de 24.500 PC, o que ven sendo unha media de unha parada cardíaca cada 20 minutos, ocasionando 4 veces máis mortes que os accidentes de tráfico. En Europa calcúlase que o paro cardiorrespiratorio afecta a 700.000 persoas. O 80% das PC son

secundarias a unha enfermidade coronaria. Do 19 ao 26% dos síndromes coronarios agudos inicianse en forma de morte súbita e o infarto agudo de miocardio é a causa da parada en aproximadamente o 50% dos pacientes reanimados fora do ámbito hospitalario.

Neste informe tamén queda reflectido que se acepta tanto en Europa como na maioría das cidades de EE.UU a supervivencia á alta do hospital tras unha PC é significativamente menor do 7%. En España publicáronse datos nos últimos anos, series que reflicten esta situación por exemplo Guipúzcoa, onde se logrou unha supervivencia do 2,2%.

O informe tamén di que a fibrilación ventricular é a responsable inicial de ata un 85% das paradas cardíacas extrahospitalarias. A experiencia acumulada nestas décadas nas Unidades de Coidados Intensivos demostra que a efectividade da desfibrilación tempera na recuperación dun ritmo cardíaco eficaz é do 90% cando é posible efectuar a desfibrilación no primeiro minuto de evolución da fibrilación ventricular. Esta efectividade diminúe moi rapidamente, concretamente por cada minuto de retraso en desfibrilar redúcese a supervivencia nun 7 – 10%, de tal xeito que despois de 10 minutos as posibilidades de sobrevivir son mínimas.

En canto ao marco legal sobre o uso de desfibriladores externos, o informe expón claramente que no ámbito internacional existen recomendacións elaboradas pola comunidade científica internacional encabezadas pola Europea Resuscitation Council e polo American Heart Association, que promoven a formación de persoal non médico para o uso dos aparellos desfibriladores externos automáticos e a súa implantación es espazos onde se produzan grandes concentracións de persoas: centros deportivos, escolares, locais de espectáculos, transportes públicos, aeroportos, estacións e instalacións de cariz diverso.

A nosa comunidade autónoma tamén regulou ao respecto sobre este tema no DOGA 06 de maior 2005 decreto 99/2005.

Pacto x Ames propoñemos á consideración plenaria a seguinte MOCIÓN

1.- Que dende o Concello se poña en marcha un plan especial para transformar as instalacións municipais, deportivas, educativas, culturais etc. En ESPAZOS CARDIO PROTEXIDOS

2.- Sabendo que os desfibriladores poden ser manexados por persoal no médico, entendemos necesaria que en estreita colaboración coa Consellería de Sanidade ou de calquera outro órgano competente nesta materia, o Concello promova a formación das persoas que están nestes centros, conserxes, monitores e demais persoal que traballe en instalación municipais ben de forma directa (funcionarios e persoal laboral) ou mediante asistencia técnica ou de servizos como poden ser as escolas deportivas, lúdicos etc.

3.- Que en colaboración coas demais institucións, Goberno Autonómico, Deputación etc. Se canalice por parte do Concello unha campaña informativa cara as empresas que están en Ames a través das asociacións de empresarios e comerciantes, de tal xeito que poidan ter toda a información sobre a conveniencia de contar nas súas instalación ou preto delas (por exemplo no polígono do Milladoiro, nos centros comerciais, en JUPEMI...) cun desfibrilador, poñendo en valor as claras vantaxes que para a saúde ten este aparello con un custe asumible.

4.- Que se utilice a páxina web e a radio municipal para difundir todo a información relacionada con esta actuación.

5.- Facultar ao Alcalde para realizar as xestións necesarias relacionadas co contido desta moción.

Moción de urxencia para que o Concello de Ames se sume os municipios que acollen refuxiados sirios.

A urxencia resulta ratificada por unanimidade dos membros presentes da Corporación municipal que en todo caso é mais da maioría absoluta do número legal de membros.

(.....)

En relación a esta moción de urxencia, o grupo municipal Pacto x Ames, a través do concelleiro Ramón García Argibay presenta unha emenda in voce que consistiría en facer un cambio nos puntos da proposta de acordo, engadindo:

1.- Instar a todas as administracións e organismos competentes a destinar os medios necesarios tanto económico como en forma de cooperación para evitar os conflitos, crear riqueza e benestar en orixe.

2.- Instar a todos os concellos adheridos a rede de cidades e municipios que acollen refuxiados a involucrarse neste proxecto solidario e coordinarse para realizar un fronte común con este obxectivo, xunto co resto dos organismos e ONGs.

(.....)

Sometida a votación a emenda in voce presentada polo grupo municipal Pacto x Ames, resulta aprobada por unanimidade dos membros presentes.

(.....)

Rematadas as intervencións, o pleno da corporación, por unanimidade dos seus membros presentes presta aprobación á moción de urxencia coas emendas in voce aprobadas, sendo a moción aprobada do teor literal seguinte:

Moción para que o Concello de Ames se sume os municipios que acollen refuxiados sirios.

Exposición de motivos:

Nos ultimas días recibimos novas arrepiantes sobre seres humanos que fuxen do horror e do xenocidio e ao chegar a Europa tópanse cunha porta pechada, co muro da vergonza. Diante desta situación que so pode provocar horror e indignación hai que sumar a impotencia que xenera a pasividade das autoridades dos estados Europeos.

Fronte esta situación, moitos concellos do estado estanse a sumar á chamada de Ada Colau, alcaldesa de Barcelona, xenerándose unha rede de cidades e municipios solidarios.

Desde Ames Novo creemos que é necesario ter presente a nosa historia próxima, lembrarse de todas as persoas que se viron obrigadas ao exilio no noso país e do Estado Español e que diante destes feitos só cabe a solidariedade da que os galegos e galegas dimos conta en moitas ocasións.

*Por todo o anteriormente exposto presentamos as seguintes **propostas de resolución:***

1.- A corporación local de Ames súmase as cidades e municipios que acollen refuxiados Sirios.

2.- Instar a todas as administracións e organismos competentes a destinar os medios necesarios tanto económico como en forma de cooperación para evitar os conflitos, crear riqueza e benestar en orixe.

3.- Instar a todos os concellos adheridos a rede de cidades e municipios que acollen refuxiados a involucrarse neste proxecto solidario e coordinarse para realizar un fronte común con este obxectivo, xunto co resto dos organismos e ONGs.

4.- Comunicar ao Ministerio de Asuntos exteriores a decisión de ser municipio acolledor.

5.- Instar a Xunta de Galicia para que elabore un plan de acollida.

6.- O goberno de Ames poñerá en marcha os medios necesarios para acoller aos refuxiados que nos correspondan, contando coa colaboración e a participación dos veciños.

7.- Nomear ao alcalde para cantos trámites sexan precisos para executar os presentes acordos.

Punto Noveno .- Rogos e Preguntas

Intervén o concelleiro **Francisco Javier López Suárez**, para formular o seguinte rogo:

Primeiro rogo.- Fai cuestión duns días, inauguramos a nosa oficina como ben sabedes todos ou case todos. Na nosa oficina o día 11 de agosto entra un rogo, neste caso dirixido ao concelleiro de Cultura e Educación. Trata sobre o Cruceiro de Tarrío, patrimonio amiense, que como tal se atopa inventariado polo departamento de Patrimonio Municipal e por Patrimonio da Xunta de Galicia. A situación actual é de deterioro, e urxe poñelo en valor para evitar males maiores.

De conformidade co establecido na Lei 8/1995, de 30 de outubro, do Patrimonio Cultural de Galicia, os bens inventariados gozarán dunha protección baseada en evitar a súa desaparición, e estarán baixo a responsabilidade dos concellos e da Consellería de Cultura, que deberá autorizar calquera intervención que lles afecte. Os Concellos teñen a obriga de protexer, defender,

realzar e dar coñecer o valor cultural dos bens integrantes do Patrimonio Cultural de Galicia que radiquen no seu termo municipal. Rogo á Concellería de Cultura primeiro, que se elabore a través do Goberno Municipal un proxecto de restauración e posta en valor do Cruceiro de Tarrío; segundo, que se solicite autorización de intervención á Comisión Territorial de Patrimonio Histórico da Coruña, a través da Xefatura Territorial, axuntando dito proxecto de restauración e posta en valor.

Contesta **David Santomil**: Recollemos totalmente este rogo do cal xa tiñamos constancia. Xa estivemos cos veciños de Tarrío vendo xustamente como estaba ese cruceiro, tratando ademais nestes días de localizar en colaboración co departamento de obras onde se achaba esa parte que desaparecera. Parte dos fragmentos seguramente xa os teñamos localizados pero aínda faltan, e estamos coordinando, tamén con Patrimonio da Xunta de Galicia coa finalidade de recuperalo e a súa vez tratar de realizar un plan a nivel global de todo o Concello para inventariar a situación na que se atopan cada un deles e, polo tanto, tratar de melloralos e recuperalos na medida do posible.

Segundo rogo.- Dirixido ao concelleiro Blas García, referente a piscina de Milladoiro. Leva anos necesitando inversión en reparacións, mantemento e conservación, tanto da piscina como das súas zonas anexas. Este deterioro foi denunciado polos usuarios este verán. Neste caso, rogo a Concellería de Urbanismo, Vivenda, Infraestruturas, Parques e Xardíns que inspeccione todas as instalacións da zona recreativa, co obxecto de elaborar un orzamento para coñecer o importe económico, e acometer as actuacións necesarias para a posta a punto da piscina de Milladoiro de cara á próxima época estival.

Contesta **Blas García**: Somos coñecedores da situación na que esta. Eu mesmo estiven alí vendo as instalacións da piscina e da pista polideportiva que esta ao lado, porque a outra de abaixo xa esta pavimentada. É certo que esta en bastante mal estado o pavimento, encima como é gravilla se solta e se lle clava nos pes aos rapaces e rapazas. Ademais hai que facer outro tipo de actuacións como pode ser unha rampla para os minusválidos, e adecentar todo o entorno. Somos coñecedores e temos previsto para os próximos orzamentos incluír unha partida para iso.

Intervén o **alcalde** para puntualizar que son instalacións deportivas e que actualmente non existe partida económica. É un plan que se esta facendo de cara a vindeira tempada.

Apunta **Javier López** que é unha queixa que entrou na oficina o 15 de agosto onde os usuarios queixanse do deterioro das instalacións da piscina. **Blas García** di que en Milladoiro aínda que hai deficiencias, algunhas xa se solucionaron pero había outras que non se podían solucionar porque senón habería que pechar a piscina.

Terceiro rogo.- Que se restableza o "Noite Bus" entre Ames e Santiago de Compostela, polo menos as noites dos venres e sábado, dentro do Convenio de colaboración do Transporte Metropolitano de Galicia, na area de Santiago de Compostela. Concretamente as rutas Bertamiráns - Santiago e Milladoiro - Santiago, tanto de ida coma de volta, co obxectivo de promocionar o transporte público, mellorar a mobilidade dos veciños de Ames e Santiago de Compostela, ampliando a conectividade entre ambos municipios. Para dito obxecto, debería instarse á Dirección Xeral de Mobilidade da Consellería de Medio Ambiente, Territorio e Infraestruturas o estudo e no seu caso, a aprobación deste novo servizo que pretende mellorar a conectividade da rede de transporte público, entre estes concellos limítrofes, cuxas poboacións están fortemente interrelacionadas.

Intervén o **alcalde**, para preguntar se o rogo exactamente é que dende o concello instemos á Xunta de Galicia.

Intervén **Blas García** que di: Explicar unha cousa, o Noite Bus era algo que non ten nada que ver co que se esta pedindo neste rogo. O Noite Bus foi un servizo que puxo en funcionamento o goberno tripartito da Xunta de Galicia e que despois o seguinte goberno que houbo, o do Partido Popular, eliminou. Era un servizo que había en toda Galicia nunhas rutas concretas. **Javier López** di: Temos que restablecer un servizo que os mozos de Ames, nos están reclamando e, concretamente o 26 de agosto entrou na oficina una petición nese sentido.

Pregunta o **alcalde**: Javier, ese servizo sería para Bertamiráns - Santiago e Milladoiro -Santiago?.
Javier López contesta que si.

Cuarto rogo.- No Pleno de Organización este portavoz formulou a petición e desexo de que o diñeiro que se ía destinar ao noso favor como grupo político municipal fose destinado á dotación do IES de Milladoiro. Hoxe, Genma entregoume o informe de Intervención sobre este asunto. De momento, aínda estamos esperando a resposta municipal, se ben parece ser que a mesma vai a ser negativa. Rogo que en caso de que sexa negativa a resposta, o diñeiro se destine a Cáritas Milladoiro e Bertamiráns, ao 50%.

Contesta **Genma Otero**: Con respecto a túa petición entreguei antes do pleno un informe do interventor, no que se da resposta á moción presentada inicialmente que é do 24 de xullo; despois como presentaches unha fai pouco, concretamente o 28 de agosto, a semana que ben se trasladara un novo informe: agora estás solicitando que o destino cambie para Cáritas Milladoiro e Cáritas Bertamiráns. A semana que ven trasladaremos o novo informe respostando á última petición que feita.

Intervén o concelleiro **Ramón García Argibay** para formular o seguinte rogo:

Quinto rogo.- Teño un rogo que supoño que ira para o goberno pero tamén para Blas. É un rogo para que me de información en base ao que vou a expoñer agora mesmo.

Pacto X Ames cando foi que o POS se aprobou en novembro de 2014 facilitou a súa aprobación en base a uns compromisos co goberno anterior. En concreto 3 compromisos; un era unha retención de crédito de 5.000 euros para actuacións de mellora no local social de Trasmonte. Outro, unha retención de crédito por 2.000 euros para actuacións de mellora do canle de alevins-troitas no Rego dos Pasos. E en terceiro lugar un compromiso que o vou a ler na súa última parte porque o resto xa estaba incluído:

A inclusión no POS complementario das obras de saneamento correspondentes ao núcleo de Portanxil e a Susavila de Carballo.

Así mesmo, e tal e como se solicitou na reunión mencionada anteriormente, o goberno solicitou información para a redacción do proxecto de saneamento en Castrigo, que recollería a zona de Casaliño.

Ese foi un compromiso do goberno anterior e rógolle ao actual que o cumpra, tal e como estaba reflectido no compromiso de aprobación do POS. Foi parte dun acordo para que saíra ese POS aprobado e evidentemente temos ese compromiso adquirido e nos gustaría saber en que estado se atopa.

Contesta **Blas García**: Dirlles que os que somos parte da Corporación anterior somos coñecedores deses compromisos porque se faláron no pleno, pero non temos nada por escrito.

Intervén o **alcalde** para dicir que a acta da sesión non reflicte eses compromisos.

Continua **Blas García**: Non hai nada firmado, e como estas preguntando infórmoche que o de Trasmonte si se fixo, o das troitas non se fixo, e o do saneamento de Castrigo, que a min me conste, non hai nada feito, nin sequera proxecto. Ademais como sabedes, sempre foi unha preocupación do noso grupo investir en saneamento, incluso nese mesmo POS propoñíamos dúas actuacións de saneamento que ao final non se levaron a cabo e pasaron ao plan complementario. Pero como estamos facendo unha análise da situación do saneamento en Ames, se mo permites, cando fale en profundidade cos técnicos contestareiche por escrito sobre o tema de Castrigo. Pero do que teño coñecemento é de que non hai nada, nin hai ningún proxecto. O que hai é unha conversa que se tivo no seu día con Espina & Delfín debido a tres problemas puntuais que hai en tres vivenda e é un problema que xa esta denunciado ante Augas de Galicia.

O que si houbo foi un contacto con Espina & Delfín para mirar a posibilidade de facer un saneamento e se miraron dúas opcións. Unha, paralela ao río Ameneiral e outra facendo unha estación de bombeo. Pero en definitiva, a min que me conste, non hai nada nin ningún proxecto aberto.

Intervén **Ramón Argibay**, para dicir: Lle fago este rogo precisamente porque como están vostedes no goberno saben o que hai firmado e iniciado e o que non. Vemos que aquí pode haber un engano e pode haber unha falta de cumprimento dun acordo no que nos nos comprometemos para sacar un plan de obras e servizos con estes compromisos, polo que gustárame que me deixara claro se hai algo en relación ao saneamento de Castrigo e Casaliño. Se me di vostede que non hai nada, que lle consta o de Trasmonte e o dos alevíns do Rego dos Pasos, pero de Castrigo

e Casaliño nada, pois a verdade é que me preocupa e me decepciona. Aínda teño a capacidade de decepción, non llo digo por vostede e por iso lle pregunto. De todos os xeitos se tivera algunha información lle agradecería que ma facilitara, é unha cuestión moi grave en canto forma parte dun acordo, era un compromiso para a aprobación dun plan.

Intervén a concelleira **Maria González Gómez** para formular o seguinte rogo:

Sexto rogo.- A raíz da moción que presentara Ciudadanos e xusto despois do tema da axenda aberta do alcalde, está o de facilitar a partir do primeiro pleno ordinario da nova corporación que calquera veciño/a así como asociacións ou entidades poida intervir no pleno formulando rogos ou propostas. Estamos no segundo pleno ordinario e supoño que estarán traballando no Regulamento, a ver si en breve poden participar.

Intervén o **alcalde**, que di: Empezo a ter medo se vostedes teñen unha cámara por aquí. Paso a ler o que ía a explicar ao final do pleno para non esquecerme. Como tiñamos comprometido dar participación aos veciños e as asociacións, o que queremos é que a partir do vindeiro pleno como xa teñen vostedes todos un borrador Regulamento para que en 15 días fagan as súas aportacións e non chegaremos a tempo ao pleno de setembro, o que queremos é que o vindeiro pleno poidamos dar voz, previa solicitude antes do día da celebración do pleno, do asunto que se quere tratar por parte de calquera veciño/a ou asociación. Ía facelo público ao final.

Intervén **Santiago V. Amor**, para dicir: Iso xa o pode facer agora señor alcalde. Ao que o **alcalde** di: Dubido moito que cheguemos as preguntas dos concelleiros como para dar voz a outros colectivos.

Intervén a concelleira **Mª Pilar Candocia Pita** para formular o seguinte rogo:

Sétimo rogo.- A linguaxe non é inocente, como non o é para os temas de xénero tampouco para moitos outros. A min me gustaría que en lugar de falar de rogos porque non me gusta rogarlle, creo que non teño nada que rogarlle, preferiría en lugar de rogos facer propostas. Non é nada contra vostede, pero precisamente a nova política ten que tamén escenificar ese tipo de termos, así que eu de aquí en adiante voulle chamar propostas, espero que lle valga igual. Non sei se se pode falar oficialmente de propostas e preguntas, probablemente non se poida, pero en todo caso nos gustaría que se falara de propostas e non de rogos.

A primeira proposta que quero facer é que había un acordo deste pleno no anterior mandato a respecto de restituír a Corporación que no 36 estaba lexitimamente elixida, democraticamente, que foi deposta pola Guerra civil e polo Franquismo. Había un acordo adoptado por unanimidade que estaba teoricamente tramitándose. A proposta é que aproveitando que en agosto do 2016, falo con moito tempo para que se poida facer ben, é o 80 aniversario, que se proceda nese momento a esa restitución. Que se faga e que se intente facer nese mesmo día, que creo que foi o día 3, e facer un acto no que estea a sociedade amiense. O fago con moito tempo para que se poida facer, para o vindeiro agosto que este xa pasou. Hai que facelo porque é un acordo deste pleno.

Oitavo rogo.- Outra proposta é a respecto dos rogos que a veciñanza nos manda a través de Facebook e, concretamente, respecto do estado no que están os locais sociais das aldeas, que teñen distintos problemas. Por exemplo, o local de Augapesada ten un problema ca pechadura, cas rexas e ca humidade que xa é o gran problema que hai que resolver nos locais sociais.

Noveno rogo.- Creo que houbo unha reunión coas asociación veciñais, inicialmente prevista para o Pazo da Peregrina. Así saíu publicado na prensa, e despois se cambiou para a Casa do Concello. No Pazo da Peregrina non se puxo ningunha indicación de que non era alí e houbo xente que foi a esa reunión e se atoparon que ninguén lles soubo indicar onde era a reunión. A miña proposta é que a próxima vez que se cambie de sitio unha reunión, que ademais foi publicada en prensa, e que pode haber veciños interesados en ir, se faga público tamén, calquera cambio.

Contesta **Isabel González**: En ningún momento se fixo no Pazo da Peregrina e despois se cambiou. Ao que **Pilar Candocia** contesta: pero saíu en prensa.

Contesta **Isabel González**: O Correo Gallego o sacou, pero dende o principio foi na Casa do Concello porque o Pazo da Peregrina estaba ocupado. **Pilar Candocia** di: Hai veciños que tiñan inquedanzas en saber como estaba o do o Inventario municipal, que querían ir a título particular, concretamente veciños de Ortoño e veciños do Pedregal e non souberon nada do cambio.

Intervén **Isabel González** que di: De feito, as asociacións que non foron, despois se lles chamou informando que como non foran podían vir por aquí para recoller a copia. **Pilar Candocia** di: O problema non é tanto coas asociacións que é mais fácil resolvelo, senón cos sitios onde non hai asociación e viñan os veciños a modo particular. **Isabel González** di: A primeira convocatoria foi para a Casa do Concello.

Intervén o **alcalde**, para dicir: Nese sentido vamos a facer unha rolda de visitas a todas as parroquias, estamos deseñando o calendario e este mesmo mes de setembro daremos copia a todos os grupos de onde vamos a estar cada día cos técnicos, para dar a información correspondente tal e como quedamos nesa reunión.

Décimo rogo.- Por ultimo, neses 21 puntos do acordo de investidura, había un acordo que esta medio executado pero hai unha parte que non esta, polo menos eu non o vin en ningún lado, que é cara á petición dos espazos municipais. É dicir, concretamente no Pazo da Peregrina que o tramite fora moito mais fácil, que se puidese ver a axenda, ver que día pides, saber quen o ten pedido e poder negociar con eles en caso de facer falta. Os grupos xa o temos resolto pero aos cidadáns creo que non se lles comunicou.

A proposta é que se comunique, que se poña na paxina web, que se poña o tramite para facelo e que se lle comunique oficialmente, polo menos, a todas as asociación que están dadas de alta no concello e despois que se poña tamén algo na paxina web, para que todo o mundo saiba como ten que facer para acceder a eses espazos. Efectivamente os grupos sabemos facelo pero os demais non.

Intervén o concelleiro **Roberto Amarelle Garaban** para formular o seguinte rogo:

Décimo primeiro rogo.- Simplemente remitir unha serie de queixas que teñen os veciños da urbanización Pedra Dourada de Ventosa, que deixaran varios escritos aquí no concello e non se lles atendeu, sobre todo por parte do goberno anterior.

En primeiro lugar, as aceras están completamente sucias, non se limpan. As papeleiras teñen que baleiralas os propios veciños, é dicir, non pasan por alí os barrendeiros. Tampouco hai sinais de limitación de velocidade. So teñen dous colectores e iso implica que vaia toda a urbanización e todos os veciños da zona e so se recolle o luns, polo tanto, eses colectores están completamente saturados. O xardín está a medio acabar, fáltanlle poñer os bancos e hai incluso perigo para que caian os pequenos para abaixo xa que hai un barranco que ten os ferros elevados para arriba, sen protexer, o cal é un perigo.

Tamén teñen o perigo dos incendios por toda a maleza que hai enriba da urbanización sen desbrozar; piden que se desbroce na marxe esquerda. Tamén din que hai carreiras de coches e aínda que de vez en cando pasa a policía local, solicitan a instalación dalgún tipo de bandas sonoras ou zonas de limitación de velocidade. Tamén hai un veciño nesa urbanización que ten unha farola fundida dende fai moito tempo e non se foi reparar, esta entre a casa 22 e a 23.

Contesta **Blas García**: Se podes, pásame toda esa proposta. Explicar unha cousa, esa urbanización ten o problema de que non esta recepcionada. Por exemplo, o tema do xardín, quen o ten que acometer é a empresa promotora que ten facer o xardín e outra serie de actuacións que son previas a poder recepcionar a urbanización, son actuacións previstas no proxecto. O da basura, coma outras moitas cousas, non se poden solucionar mentres non estea recepcionada. Non poden ter servizo de recollida de basura e tampouco limpeza viaria, o cal non so pasa nesa urbanización senón tamén noutras urbanizacións e incluso en edificios de rúas de Bertamiráns e Milladoiro. Tamén hai que ter en conta que a empresa que fai a limpeza ten un contrato do ano 2006 e Ames medrou moito desde aquel momento; hai moitas zonas que non se cobren con este contrato, e estanse cubrindo co persoal da brigada municipal, unha persoa en Bertamiráns e unha persoa en Milladoiro co cal non dan para todo. Nos, para que se saiba, estamos en negociacións, xa que queda pouco do contrato de limpeza viaria con Urbaser, para ver a posibilidade de ampliar a esas zonas e redistribuír outras.

Roberto Amarelle di: Eles sobre todo insisten no perigo dos incendios. Contesta **Blas García**: Alí se limpou unha zona. **Roberto Amarelle** di: Non a do lado esquerdo, e habería que protexer eses ferros dos que falaba.

Preguntas.-

Intervén o concelleiro **Francisco Javier López Suárez** para formular as seguintes preguntas:

Primeira pregunta.- Para a Concellería de Cultura e Educación, se ten na súa axenda colocar sanitarios portátiles en futuras festas e eventos que se celebren en calquera localidade de Ames, a fin de evitar que as persoas que se congregan en ditas celebracións fagan as súas necesidades polas rúas, nos garaxes, xardíns, etc

Contesta **David Santomil:** Se a colocación dos sanitarios portátiles é unha practica habitual naquelas actividades que organiza o concello, non ocorre o mesmo naquelas que organizan as comisións de festas ou parroquias, pero podemos recomendar que o fagan por unha cuestión de hixiene.

Intervén **Blas García** que di: Teñen que facelo eles, os que organizan.

Segunda pregunta.- Para o concelleiro de Cultura e Educación. Dado que a Concellería de Cultura e Educación vai a preparar un Plan Integral de mantemento de todos os espazos de escolares de Ames, quería saber se en dito Plan se vai a incluír a Escola Infantil de O Milladoiro, cuxos xardíns se atopan nun grave deterioro. Aproveitando esa actuación, ¿sería posible que a brigada de xardíns volvese a plantar as árbores que faltan no entorno da Travesía do Porto en Milladoiro?. De non ter cabida ditas actuacións no Plan, ¿cando se van a acometer esas labores de reposición e mantemento nesa nova zona urbana do Milladoiro, posto que ademais é zona de paso do Camiño de Santiago?.

Contesta **David Santomil:** Xa facilitamos a tódolos grupos da oposición unha copia dese Plan de mantemento de centros escolares; entre as actuacións xerais xa figuran actuacións de acondicionamento dos xardíns, parques infantís, zonas verdes e areiros que esta a desenvolver a brigada municipal. No caso da escola infantil da Madalena xa esta solucionado e na da Travesía do Porto será o próximo día.

Javier López di: As tullas están moi grandes e evidentemente hai que esperar ao mes de setembro/outubro para plantar, pero xa leva anos. Bueno, anos non, porque hai dous anos como moito que fixeron ese cambio en orixe os arquitectos, polo que non estarían moi de acordo co tema. Pero é prudente manter un pouco o impacto visual xa que por alí pasan milleiros de peregrinos, todos os anos 30.000 persoas.

Terceira pregunta.- As marquesiñas da praza da Magdalena en Milladoiro están alonxadas e de costas á parada do autobús. Cando chove as persoas protexesen na mesma, e como o condutor do autobús non ve a ningún na parada non se detén. ¿Ten previsto o Concello reubicar as marquesiñas preto da parada para que cumpran coa función que lle é propia?.

Contesta **Blas García:** Teño que dicir que esta é unha pregunta reiterativa, xa non nesta corporación, pero si na anterior. Creo que Ames Novo, concretamente Susana fíxoas varias veces. Explico o tema, non é certo que estean de costas á parada de autobús, eu estiven alí sentado comprobando, e a parada de autobuses quedalle ao lado.

Javier López di: Ti sabes que ven o autobús da zona de Rosalía de Castro e o condutor non ve.

Contesta **Blas García:** Non é que a marquesiña esté de espalda, é que os viaxeiros están sentados de espaldas ao autobús que é distinto. Independentemente disto vouche explicar as razóns polas que esta así porque a min tamén me interesou sabelo e me preocupeí do tema. Isto ven de cando se fixo o proxecto desa praza, co fin de protexer e preservar a propia capela e a propia praza. De todas formas, nos estivemos mirando a posibilidade de cambialas pero os técnicos nos recomentan que non, precisamente polo que che estou dicindo, por preservar a praza, e terías que poñela onde esta a acera para arriba e hai árbores. Entón, para evitar o que nos trasladas e o que nos trasladan algúns veciños de que non teñen visión cando chega o autobús, aínda que a marquesiña é transparente, co cal o condutor de autobús cando ven, si hai xente sentada ve que están aló, de todas formas o que vamos a facer é que como hai unha planta que está bastante alta e pode impedir a visión cando para o bus, o que vamos a facer é podala ben para facilitala visión.

Cuarta pregunta.- Outro tema é en relación a Agro do Medio, onde se vai a facer a actuación

da praza. Xusto na zona de Correos hai un cono posto porque había antes unha farola. A pregunta é se tes previsto poñer algo que rodee esa farola ante o perigo que poida ocasionar polos cables e demais. Non poñer un cono senón poñer algo que protexa de cara á curiosidade, sobretudo dos nenos. Os veciños están cansos do cono porque a xente os tira.

Contesta **Blas García**: O cono leva un mes aproximadamente, e o que temos previsto é poñer a farola e estamos esperando a que nos chegue, porque esta pedida dende cando rompeu, pero no mes de agosto pecha a fabrica e non a mandaron. Agora en setembro, en canto chegue, temos previsto colocala. A maiores vamos a colocar unha fonte para que os nenos que xoguen alí na praza poidan beber.

Pregunta **Javier López** :¿Tes previsión de cando?. Contesta **Blas García**: Cando nos chegue a farola, para a semana que ven. **Javier López** di: Mentres non chegue podedes poñer catro ferros para que polo menos os rapaces non sintan a curiosidade.

Quinta pregunta.- Quería saber se as cuestións que se presentaron por rexistro no goberno anterior as estades vendo. Para a rúa de Agriños, pedíronse no seu momento uns lombos para que o tráfico que hai por aí non vaian tan rápido. Pedíuse poñer algo que impida que os coches vaian por alí coma tolos e que ao final provoquen un atropelo, non sei se sabedes do tema.

Contesta **Blas García**: Eu non. De todas formas co tema das bandas hai que ter cuidado porque as veces, despois de colocalas hai protestas dos veciños polo ruído que fan. **Javier López** di: Deberías falar do tema ca policía local que o coñece.

Intervén o concelleiro **Ramón García Argibay** para formular as seguintes preguntas:

Sexta pregunta.- Unha pregunta referente á Escola infantil de Bertamiráns. Vimos en prensa que parece ser que hai problemas para a súa posta en funcionamento e que se achaca ao tema da urbanización, quería saber como está o tema.

Contesta **David Santomil**: Con independencia do problema urbanístico, a execución da escola está nun 60% a día de hoxe. **Ramón García** di: En prensa cando se falaba do tema parecía que o problema para a posta en funcionamento era un problema coa urbanización, non coa execución das obras da escola.

Contesta **David Santomil**: Estamos analizamos detidamente a situación urbanística dese sector no seu conxunto, e no que afecta a escola especialmente. Temos un convenio que ten problemas, que tamén afectan a outros concellos pero a escola cun grao de execución do 60% non pode entrar en funcionamento neste curso escolar.

Sétima pregunta.- Outra cuestión que tamén vimos en prensa é o da Mancomunidad de Serra do Barbanza. Se falaba de que o goberno estaba valorando a posibilidade de entrar como membro de pleno dereito e quería preguntar sobre o tema.

Contesta o **alcalde**: É bastante longo e case mellor faremos un escrito para darlle contestación. Pero a *grosso modo*, o contrato remata a finais deste ano e Serra do Barbanza di que se o concello quere seguir ten que ser coma socio de pleno dereito, non permite a prorroga de 9 anos que estaba estipulada. Se esta facendo polo departamento de Intervención un calculo do custe que iso suporía, con todos os problemas que conleva, faremos un resumo e daremos traslado.

Oitava pregunta.- Sigo sen os informes de Intervención de reparo e desconformidade, e dos correspondentes levantamentos de reparo, ¿nos van a facilitar copia?.

Contesta o **alcalde**: Se me pasou pero si.

Novena pregunta.- No decreto 1236/2015, figura que se abonaron as costas polo tema do sector S-15 de Milladoiro, que é onde esta encadrado o terreo orixinario para o centro de saúde, ¿hai algunha novidade ou simplemente é un decreto onde se firma que hai que pagar as costas polo preito?.

Contesta o **alcalde** que di: Nese sentido non hai novidade, é o pago das costas correspondentes. A única novidade que hai é que como creo que xa informara, a persoa que ten metido o contencioso tiña un avogado que morrera e polo tanto tiña un prazo de dous anos para designar un novo avogado e por iso paralizou o proceso. Agora xa ten designado novo avogado e se espera unha resolución do caso a primeiros de ano, é o que se nos informa dende a asesoría xurídica.

Décima pregunta.- En canto ao transporte adaptado se iniciou a licitación o 6 de marzo de 2015, a segunda licitación, e a data de hoxe non sabemos nada ¿hai algunha novidade?.

Contesta **Luisa Feijoo**: Se paralizou a apertura do sobre da oferta económica para estudar volver a sacalo concurso. **Ramón García** pregunta: ¿É intención do goberno volver a sacalo?. Contesta **Luisa Feijoo**: Si. Unha das empresas foi por unha baixa temeraria e outra interpretou que eran catro anos en vez de tres mais un, e se excluiron, estamos estudando volver a sacalo. **Ramón García** di: Pedimos acceso ao expediente. O **alcalde** di: o expediente está colgado na paxina web. **Ramón García** di: Por iso preguntaba, por se había algunha novidade aparte do que aparece na paxina web. Contesta o **alcalde**: Non hai nada novo.

Décimo primeira pregunta.- No servizo de colaboración censual con respecto á recadación, vimos un decreto que recolle un pago de case 8.000 euros. ¿Hai pensado algunha alternativa a esta cuestión? consideramos que hai unha duplicidade.

Contesta o **alcalde**: Non hai duplicidade ningunha, o que esta facendo GTT é totalmente diferente ao que fai a Deputación, e o que fai GTT é o que non pode facer a Deputación. **Ramón García** di: Iso téño claro, pero para os veciños hai duplicidade na prestación dun servizo.

Intervén o **alcalde** para dicir: Non temos falado sobre este asunto porque a día de hoxe estamos priorizando outros temas. É algo que si temos na axenda para falar, para decidir se mantemos o servizo tal e como esta ou tiramos pola municipalización deste servizo.

Intervén a concelleira **María Jesús Bóo Feijóo** para formular as seguintes preguntas:

Décimo segunda pregunta.- Sobre a Travesía do Pedregal. Quería saber se se iniciou o estudio de redirección, de acordo co que tiñamos asinado os grupos municipais da oposición naquel momento.

Contesta **Blas García**: Houbo unha xuntanza con eles a mediados de xullo onde se lles explicou o que se ía a facer. Explicouse que a finais de agosto e primeiros de setembro se ía facer o cambio para que quedara como estaba anteriormente. Esta mesma semana que ven, o luns, temos unha xuntanza co inspector xefe da policía local e despois mais tarde ca empresa que xa temos contratada para facer o repintado. Esperamos que o longo da semana que ven, en función de como veña o tempo, quede listo.

Intervén **Pilar Candocia** que di: Como quedaría os buses escolares?.

Contesta o **alcalde**: Cos buses escolares, unha das propostas que fixemos era que se trasladara a parada do bus á Avenida da Maía, onde está a dársena e o quiosco, que precisamente alí hai espazo para parar o bus. Queríamos falar coa comunidade educativa para coñecer o seu parecer, para saber a súa opinión de trasladar esa parada, porque o inconveniente de tela onde esta agora é que ocupa un carril e, polo tanto, no momento que pasa o autobús obrigatoriamente tes que invadir o carril contrario.

Intervén **David Santomil** que di: Estamos en contacto con obras e cos directores dos centros afectados. En principio manteremos reunións no día de maña coas ANPAS para valorar se ven viable o cambio. En principio parece que non se ve de moi bo agrado pois se trata de cambiar a parada para unha vía moito mais transitada, que é principal non secundaria que ten menos tránsito. Pero en todo caso, despois de ter as xuntanzas coas ANPAS que teremos no día de maña, teremos unha posición firme ao respecto, coordinados.

Décimo terceira pregunta.- Outra para urbanismo. Cando se van instalar os semáforos que suplen a pasarela que se retirou, porque hai que ter en conta que os pequenos empezan a cole o día 10 pero os rapaces que adestran no polideportivo xa levan tempo indo e non hai unha regulación do tráfico?.

Contesta o **alcalde**: Hoxe falei con Felipe Davega, que é a persoa de infraestruturas e díxome que estiveron instalando durante estes días os semáforos e que mañá rematan coa instalación.

Intervén **Blas García** para dicir: Había un problema eléctrico referido ao cadro da rede eléctrica da escola infantil do Bosque. Parece ser que ten algunha dificultade porque teñen un problema eléctrico que xa derivaba de cando viña o cable pola pasarela. A intención é que empece a funcionar xa.

Intervén o **alcalde**, que di: Nos dixeron que maña, venres, mandarían os leds porque se van a colocar leds no paso de peóns, e a sinalización vertical empezaría para a vindeira semana, tanto na parte de arriba coma na de abaixo. Solo poñen semáforo na parte de abaixo

Intervén **Blas García** que di: Nos estivemos co técnico e nos dixo que en dúas zonas, tan xuntos, era moi complicado poñer dous. Ademais, o que lle pediamos era que foran coordinados un co outro, é dicir, o de abaixo co de arriba. O falamos aquí, se parabas arriba e chegabas abaixo e volvías a parar pois xeraba certo atasco, entón, nos dixo que ía un solo abaixo e que arriba ían meter leds e se ía sinalizar. Nos quedamos en que vamos a meter unha farola alumendo esa zona, que é bastante escura. De todas formas, estase traballando na posibilidade de facer unha dársena para que os buses aparquen e quitalos da zona na que están agora.

Intervén **Mª Jesús Bóo** que di: Xa volo traía como proposta, porque xa falara directamente co concelleiro da problemática que teñen os rapaces que teñen que ir entre a escola de primaria e o instituto, hai un espazo por onde poden ir os peóns.

Intervén o **alcalde** que di: A idea é ampliar a quitar os buses desa zona; manexamos dúas alternativas, ben sexa na parcela da zona verde onde habería que facer unha inversión para a compra de material ou unha segunda alternativa que é derivar o aparcamento do pavillón e facer unha dársena a través de lateral; estamos estudando as posibilidades.

Intervén **Pilar Candocia** para dicir: ¿Se faría un corredor seguro desde abaixo?.

Contesta o **alcalde**: Sería a través do campo de fútbol e subindo pola plataforma, pero estamos estudando as dúas posibilidades.

Mª Jesús Bóo di: Esa conexión por abaixo non pode ser como a que esta actualmente, é dicir, hai que modificar iso. O **alcalde** di: Iso vai para medio prazo, non é algo que se vaia facer agora mesmo.

Décimo cuarta pregunta.- Non sei si para Catuxa ou para Blas, é referente a fonte do pilón de Milladoiro. Contesta **Catuxa García**: xa están detectados os problemas.

Continua **Mª Jesús Bóo**: O que pregunto é ¿qué se está facendo, qué esta planificado facer?. O que non nos gustaría é que directamente se inutilizase a fonte?. Contesta **Catuxa García**: Púxose un cartel e acordouse, agora mesmo. Esta unha empresa mirando, créese que hai unha raíz obstruíndo mais arriba a canalización da auga.

Intervén **Mª Jesús Bóo** que di: ¿Qué prazo considerades para que se empece a actuar, para corrixir o problema?.

Contesta **Blas García**: Xa esta botando auga e xa se solucionou. Di **Mª Jesús Bóo**: ¿Hai un cartel?. Contesta **Blas García**: O cartel se puxo por unha razón, porque nos queremos avisar, e non se vai a facer soamente con esa soa fonte senón que se vai a facer con todas, xa que ningunha fonte municipal pasa un control, entón, nos queremos avisar a xente de que saiba que esa auga esta sen analizar.

Intervén **Mª Jesús Bóo** que di: A pregunta viña porque quedaras en mandarnos o resultado e como non o mandaches entón entendiamos que non estaba feito.

Intervén **Blas García** que di: Fixéronse dúas analíticas, unha ao principio que dou mal porque estaba a raíz atascada e pudrindo que era o que daba mal olor e despois se fixo outra, unha vez que se solucionou o problema, para comparar.

Décimo quinta pregunta.- Esta vai dirixida ao alcalde. Estou preocupada por non ter información ningunha da xestión da CIA, da comisión do ciclo integral da auga. Tivemos unha comisión o día 12 de agosto, quedaches a semana seguinte en informarnos dos tramites que se ían facendo, non sabemos nada, e dende o 12 ata hoxe pasou moito tempo.

Contesta o **alcalde**: Non oculto ningún tipo de información, é dicir, nos dende a ultima comisión non temos nada novo que motive convocar novamente a comisión, esperamos telo canto antes. Durante todo este tempo estivemos esperando, en primeiro lugar, as ofertas económicas da empresa que vai facer o asesoramento para os pregos e a valoración das ofertas no caso de que se leve a cabo unha licitación a curto prazo. Esa empresa tardou en darnos o orzamento, pedimos un segundo orzamento porque nos parecía moi caro a outra empresa que tardou tamén outro tempo, e agora temos eses dous orzamentos e os estamos estudando.

Intervén **Genma Otero** que di: Nos fixeron varias ofertas e estamos apretando un pouco, xa nos rebaxaron dúas veces, e hoxe xa mandei resposta dicindo que se aceptaría un orzamento nunha

determinada condición para ver si fan unha ultima rebaixa. Estamos niso.

Intervén **Mª Jesús Bóo** que di: O que pasa é que falabamos que había varias cousas que se podían facer en paralelo, e unha delas, na que insistín eu moito, son as conversas cos alcaldes de concellos limítrofes.

O **alcalde** di: E como che dixeran, a partir do mes de setembro temos previsto esas reunións, están pedidas as reunións. Hoxe tivemos reunión con Brión e temos previsto que sexan Teo e Santiago os seguintes. **Mª Jesús Bóo** di: Estamos falando de que esta comisión se constitúe a primeira semana de agosto e para manter unha conversa entre un alcalde e outro creo que non require nin pedir orzamento nin nada, hai que collelo telefono e chamar. **Blas García** di: A conversa é bilateral non depende soamente de nos.

Continua **Mª Jesús Bóo**: Primeiro hai que chamar e sabes que insisto porque sabes que hai sintonía, hai posibilidades. Teo contaba que o 15 de outubro estivera resolto, e é unha magoa que non aproveitemos todo o camiño que eles teñen avanzado, en concreto o Concello de Teo, que é o que mais nos interesa neste caso.

Intervén o concelleiro **Alberto Piñeiro Rodríguez** para formular as seguintes preguntas:

Décimo sexta pregunta.- Antes vostede, señor alcalde, comentaba que se estaba valorando economicamente cal sería o custe de pasar a formar parte de pleno dereito da Mancomunidade de Concellos Serra do Barbanza, e a miña pregunta é se esta valorando tamén cal sería o custe, en vez de continuar coa Mancomunidade pasar a Sogama.

Contesta o **alcalde** que di: O primeiro paso foi coñecer cales son as condicións para seguir coa Mancomunidade, e despois, unha vez que teñamos eses custes e esa información, informarnos tamén con Sogama, saber cales serían as súas condicións. Non descartamos nin unha nin outra. Pero sempre dicimos que a nosa preferencia pasa por seguir na Mancomunidade pero depende en que condicións.

Intervén **Alberto Piñeiro** que di: Comentaba que o contrato remataba a finais de ano e habería que ter unha resposta, polo que igual se podía ir preguntando a Sogama sobre as súas condicións para ter información. Di o **alcalde**: Si, podemos ir facendo esa xestión.

Décimo sétima pregunta.- Antes, o concelleiro **Blas García** comentou a posibilidade de facer unha poda dunha camelia que hai no entorno a marquesiña da capela do Milladoiro. A miña pregunta é que visto que hai varias árbores tanto en Bertamiráns como en Milladoiro que están moi frondosas e que comenza a época de poda, se teñen teñen planificadas as podas.

Contesta **Blas García**: Se van a facer as podas como se fan todos os anos, na época da poda.

Décimo oitava pregunta.- Unha última pregunta, creo que para Isabel. Dende o 21 de agosto creo que esta habendo problemas para recibir o boletín informativo que chega por correo electrónico.

Intervén **María González** que di: Non chega ben, pero xa ven de atrás.

Contesta **Isabel Vaquero Quintela**, revisaremos ese asunto.

E non habendo mais asuntos que tratar, o señor alcalde presidente deu por rematado o acto, e levantou a sesión ás cero horas e vinte minutos do día 4 de setembro de 2015, de todo o que eu como secretaria certifico.

Visto e praxe
O alcalde

A secretaria